

L Ö G

um samkomudag reglulegs Alþingis 1954.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

Reglulegt Alþingi 1954 skal koma saman 9. dag októbermánaðar, hafi forseti Íslands eigi tiltekið annan samkomudag fyrir á árinu.

2. gr.

Lög þessi öðlast þegar gildi.

Gjört í Reykjavík, 12. febrúar 1954.

Ásgeir Ásgeirsson.

(L. S.)

Ólafur Thors.

AUGLÝSING

um breytingar á stofnskrá Alþjóðavinnumálastofnunarinnar.

Ríkisstjórn Íslands samþykkti 12. desember 1953 breytingar þær á stofnskrá Alþjóðavinnumálastofnunarinnar, er gerðar voru á Alþjóðavinnumálaþinginu á s. l. sumri.

Þetta er hér með gert almenningi kunnugt.

Utanríkisráðuneytið, 8. febrúar 1954.

Kristinn Guðmundsson.

Magnús V. Magnússon.

Fylgiskjal.

Breyting á stofnskrá Alþjóðavinnumálastofnunarinnar.

Allsherjarþing Alþjóðavinnumálastofnunarinnar, sem stjórn Alþjóðavinnumálaskrifstofunnar kvaddi til funda í Genf og kom saman til 36. þings 4. júní 1953, hefur ákveðið að í ákvæðum stofnskrárinnar um skipan stjórnarinnar skuli tölurnar: fjörutíu, tuttugu, sextán og tíu koma í stað talnanna „þrjátíu og tveir“, „sextán“, „tólf“ og „átta“, en þetta var áttunda mál á dagskrá þingsins, og því gerir það í dag, 25. júní 1953, eftirfarandi breytingu á stofnskrá Alþjóðavinnumálastofnunarinnar, sem nefnist: Breyting frá 1953 á stofnskrá Alþjóðavinnumálastofnunarinnar.

1. gr.

Í texta stofnskrár Alþjóðavinnumálastofnunarinnar, sem nú er í gildi, skulu tölurnar: fjörutíu, tuttugu, sextán og tíu, hver fyrir sig koma í stað taln-

anna „þrjátíu og tveir“, „sextán“, „tólf“ og „átta“ í 1., 2. og 8. málsgrein 7. greinar 4
og í 36. grein.

8. febr.

2. gr.

Í texta stofnskrár Alþjóðavinnumálastofnunarinnar, sem nú er í gildi, skal síðasta setning í 2. málsgrein 7. greinar falla niður.

3. gr.

Frá gildistöku þessarar breytingar skal stofnskrá Alþjóðavinnumálastofnunarinnar gilda eins og hún er breytt í samræmi við undanfarandi greinar.

4. gr.

Þegar þessi breyting gengur í gildi, skal aðalforstjóri Alþjóðavinnumálaskrifstofunnar sjá um, að opinber texti stofnskrár Alþjóðavinnumálastofnunarinnar, eins og hann er breyttur með þessum breytingarákvæðum, sé gefinn út í tveimur frumritum, er staðfest séu með undirritun hans. Öðru þessara eintaka skal komið til varðveislu í skjalasafni Alþjóðavinnumálaskrifstofunnar, en hitt sent aðalritara Sameinuðu þjóðanna til skrásetningar í samræmi við 102. grein í sáttmála Sameinuðu þjóðanna.

Aðalforstjórinn skal senda öllum meðlimum Alþjóðavinnumálastofnunarinnar staðfest afrit af textanum.

5. gr.

Tvö eintök þessara stofnskrárbreytinga skulu staðfest með undirritun forseta þingsins og aðalforstjóra Alþjóðavinnumálaskrifstofunnar. Öðru þessara eintaka skal komið til varðveislu í skjalasafni Alþjóðavinnumálaskrifstofunnar, en hitt skal sent aðalritara Sameinuðu þjóðanna til skrásetningar í samræmi við 102. grein sáttmála Sameinuðu þjóðanna.

Aðalforstjórinn skal senda öllum meðlimum Alþjóðavinnumálastofnunarinnar staðfest eintak af stofnskrárbreytingu þessari.

6. gr.

1. Formlegar fullgildingar eða samþykki á þessari stofnskrárbreytingu skal senda aðalforstjóra Alþjóðavinnumálastofnunarinnar, en hann skal tilkynna meðlimum stofnunarinnar móttöku þeirra.

2. Þessi stofnskrárbreyting gengur í gildi í samræmi við ákvæði 36. greinar stofnskrár stofnunarinnar.

3. Þegar þessi stofnskrárbreyting gengur í gildi, skal aðalforstjóri Alþjóðavinnumálaskrifstofunnar tilkynna það öllum meðlimum Alþjóðavinnumálastofnunarinnar og aðalritara Sameinuðu þjóðanna.

Framanskráður texti er hinn rétti, löggilti texti breytingar á stofnskrá Alþjóðavinnumálastofnunarinnar, sem löglega var samþykktur á 36. allsherjarþingi Alþjóðavinnumálastofnunarinnar, sem haldið var í Genf og slitið hinn tuttugasta og fimmta dag júnímánaðar 1953.

Ensku og frönsku textarnir af stofnskrárbreytingu þessari eru jafngildir.

Þessu til staðfestu höfum við undirritað nöfn okkar í dag, hinn tuttugasta og sjötta dag júnímánaðar 1953.

Forseti þingsins

Irving M. Ives.

Aðalforstjóri Alþjóðavinnumálaskrifstofunnar

David A. Morse.

4

Athugasemdir:

8. febr.

Með þeim breytingum á stofnskrá Alþjóðavinnnumálastofnunarinnar, sem hér er um að ræða, er meðlimum stjórnar stofnunarinnar fjölgað úr 32 í 40 og felld niður síðasta setningin í 2. málsgrein 7. greinar.

Fjölgunin í stjórninni er gerð vegna fjölgunar aðildarríkjanna og einnig til þess að auðveldara verði að koma á jafnvægi í skiptingu fulltrúa í stjórninni milli hinna ýmsu hluta heims.

Síðasta setningin í 2. málsgrein 7. greinar er felld niður vegna þess að hún hæfir ekki núverandi aðstæðum og hefur í rauninni ekki verið eftir henni farið í mörg ár.

Til frekari skýringar er hér birtur texti hinna breyttu greina eins og hann er nú og eins og hann verður eftir breytinguna:

Núgildandi texti:

7. gr.

1. Stjórnina skipa 32 menn: Sextán fulltrúar ríkisstjórna, átta fulltrúar atvinnurekenda og átta fulltrúar verkamanna.

2. Átta hinna sextán fulltrúa ríkisstjórna, skulu nefndir af aðaliðnaðarríkjunum, sem aðild eiga, en hinir átta skulu nefndir af þeim aðildarríkjum, sem til þess eru valin af ríkisstjórnarfulltrúunum á þinginu, öðrum en fulltrúum hinna fyrr nefndu átta aðildarríkja. Sex af hinum sextán aðildarríkjum, sem fulltrúa eiga, skulu vera úr hópi aðildarríkja utan Evrópu.

.....

8. Stjórnin setur sér starfsreglur og ákveður hvenær hún skuli koma saman til funda. Aukafundi skal halda, ef skrifleg beiðni kemur fram um það frá eigi færri en 12 fulltrúum í stjórninni.

36. gr.

Breytingar á stofnskrá þessari, sem samþykktar eru af allsherjarþinginu með $\frac{2}{3}$ greiddra atkvæða viðstaddra fulltrúa, skulu ganga í gildi, þegar þær hafa verið fullgiltar eða samþykktar af $\frac{2}{3}$ aðildarríkja stofnunarinnar, þar á meðal af fimm hinna átta aðildarríkja, er fyrirsvar eiga í stjórninni, sem aðaliðnaðarríki samkvæmt ákvæðum 3. tölul. 7. gr. þessarar stofnskrár.

Þessar breytingar á stofnskránni voru gerðar á Alþjóðavinnnumálaþinginu á s.l. sumri með 189 atkvæðum gegn engu (tveir sátu hjá), en til þess að þær gangi endanlega í gildi þurfa $\frac{2}{3}$ aðildarríkjanna að fullgilda þær eða samþykkja.

Breyttur texti:

7. gr.

1. Stjórnina skipa 40 menn: Tuttugu fulltrúar ríkisstjórna, tíu fulltrúar atvinnurekenda og tíu fulltrúar verkamanna.

2. Tíu hinna tuttugu fulltrúa ríkisstjórna skulu nefndir af aðaliðnaðarríkjunum, sem aðild eiga, en hinir tíu skulu nefndir af þeim aðildarríkjum, sem til þess eru valin af ríkisstjórnarfulltrúunum á þinginu, öðrum en fulltrúum hinna fyrrnefndu tíu aðildarríkja.

.....

8. Stjórnin setur sér starfsreglur og ákveður hvenær hún skuli koma saman til funda. Aukafundi skal halda, ef skrifleg beiðni kemur fram um það frá eigi færri en sextán fulltrúum í stjórninni.

36. gr.

Breytingar á stofnskrá þessari, sem samþykktar eru af allsherjarþinginu með $\frac{2}{3}$ greiddra atkvæða viðstaddra fulltrúa, skulu ganga í gildi, þegar þær hafa verið fullgiltar eða samþykktar af $\frac{2}{3}$ aðildarríkja stofnunarinnar, þar á meðal af fimm hinna tíu aðildarríkja, er fyrirsvar eiga í stjórninni, sem aðaliðnaðarríki samkvæmt ákvæðum 3. tölul. 7. greinar þessarar stofnskrár.

Á næsta þingi, sem haldið verður í júnimánuði næsta ár, á að fara fram stjórn- 4
arkosning og leggur Alþjóðavinnuálagstofnunin sérstaka áherzlu á, að umræddar 8. febr.
stofnskrárbreytingar verðin þá gengnar í gildi, svo að hægt verði að kjósa stjórn-
ina eftir hinum breyttu reglum. Alþjóðavinnuálagþingið samþykkti því sérstaka
ályktun, sem fól í sér áskorun til aðildarríkjanna um að þau hröðuðu eftir föngum
fullgildingu á stofnskrárbreytingunum og fól framkvæmdarstjóranum að koma
henni á framfæri.

AUGLÝSING

5

8. febr.

um viðskiptasamkomulag milli Íslands og Austurrikis.

Hinn 14. október 1953 var undirrituð í Vínarborg bókun um viðskiptasamkomu-
lag milli Íslands og Austurrikis.

Gert er ráð fyrir áframhaldandi viðskiptum milli landanna á svipuðum grund-
velli og áður.

Viðskiptasamkomulag þetta gildir frá 6. júní 1953 um óákveðinn tíma með
þriggja mánaða uppsagnarfresti.

Þetta er hér með gert almenningi kunnugt.

Utanríkisráðuneytið, 8. febrúar 1954.

Kristinn Guðmundsson.

Magnús V. Magnússon.

AUGLÝSING

6

8. febr.

um framlengingu viðskiptasamnings milli Íslands og Frakklands.

Með erindaskiptum sendiherra Íslands í París og utanríkisráðuneytis Frakk-
lands var hinn 5. febrúar 1954 gert samkomulag um framlengingu viðskiptasam-
nings milli Íslands og Frakklands frá 6. desember 1951 til marzloka 1954.

Samkvæmt samkomulagi þessu er gert ráð fyrir áframhaldandi viðskiptum
landanna á svipuðum grundvelli og fyrr.

Þetta er hér með gert almenningi kunnugt.

Utanríkisráðuneytið, 8. febrúar 1954.

Kristinn Guðmundsson.

Magnús V. Magnússon.